



Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

**Naalackersuisunut apeqquq:**

- 1. Utoqqaat suli peqqissut sulinermillu ingerlatsiinnarusuttut tapersersorniarlugit naalackersuisut qanoq immikkut iliuuseqarniarpat ?**
- 2. Utoqqaat 66-inik ukioqalereersimasut sulinermik ingerlatsiinartut qanoq periarfissaqarpat ? sulisitsisup utoqqalinissamut akiliutigisartagaasa naliginnaasumik utoqqarmut akissarsiaanut ilanngullugit tunniunneqartarnissaannut ?**
- 3. Utoqqaat suli peqqissut suliinnarusuttullu utoqqalinersiuteqalernissamut ukiunik angusisimasut suliinnarsinnaanerminnut inatsisitigut qanoq periarfissaqartinneqarpat ?**
- 4. Sooq-una naalagaaffeqatigiinnerup iluani maani nunatsinni utoqqartavut Danmark-imi Savalimmiunilu utoqqalinersiuteqarnerup tungaatigut taama appasinnerutigisunik atugassaqartinneqartut ?**
- 5. Naalagaaffeqatigiinnerup iluani utoqqarnut atugassarititaasut assigiinnerulersinniarlugit Naalackersuisut suliniuteqarniarpaat ?**
- 6. Utoqqaat aappaasup isertitai apeqqutaatikkuunnaarlugit utoqqalinersiutinik minnerpaaffilerlugit utoqqalinersisalersinnaanerat Naalackersuisut qanoq isumaqarfingaat ?**

(Inatsisartut Ilaasortaq, Jens NapātôK', Partii Naleraq)

**Tunngavilersuut:**

Nalunngilarput Naalackersuisut utoqqaat sapinngisamik sivisuumik suliinnarsinnaanerat tapersersorlugu oqariartuuteqartartut, soorlu assersuutigalugu nunatsinni niuvertut utoqqaanersaat 100-liimmat tamanna aamma nuannersumik malunnartinneqartoq. Taama malunnartitsineq nuanneqaaq.



partii naleraq

Maannamulli utoqqaat sulii peqqissut suliiinnarusukkaluartullu ajoraluartumik arlalinnik aperfilersorneqarput,

assersuut: Utoqqaat sulii peqqissut sulisinnaalluartullu sulineramik ingerlatsiinnarusukkaluartut, ilaatigut suliffimminniit "atorfissaarunneqartutut" misigalutik suliiunnaarsinneqartarput. Ilaali sulineramik ingerlatsiinnartut aammalu 66-it angullugit ukioqalereersimasut sulisitsisup soraarnerussutisiassanut akiliutigisartagaanut tunngatillugu nalornisinneqartarput, naak utoqqaq ukiorpassuarni soraarnerussutisiaqarnissamut aningaasaateqarfimmut assersuutigalugu PFA- imaluunniit allamut akilersuereerluni taamaattumut ilaasortaajunnaareersimangaluartoq.

Qulaajarlugu ersarissartikkusupparput utoqqaat qanoq pitsaaneruseqarsumik inatsisitigut aqqutissiuunneqarsinnaanersut taamaattoqartillugu sooq sulisitsisup soraarnerussutisiaqalernissamut akiliutissai utoqqaap akissarsiaanut ilanngutinnarlugit akiliutigineqarsinnaaneri inatsisitigut pitsaaneruseqarsumik aqqutissiuunneqarniannigillat ? soorlu tamanna inatsisartuni ilaasortanut periarfissaq atuutsinneqareersoq.